

ГОРД ЗНАМЯ

ВКП(б)-лэн Пудемской райкомезлэн но Райсоветлэн органы

Кизёнэз организованно но вылі агротехнической уровеньын ортчытоно

Колхозник'эслэсь но колхозницаослэсь культурной но материальной благосостояниэс азыланьын эшшо но трослы жутыны понна основной программаен луэ СССР-лэн Совнаркомезлэн но ВКП(б) ЦК-лэн „Удмуртской АССР-ын сельскохозяйственной культу-раслэсь удалтонлыкэс но пудо вордонлэсь продуктивностьэ жутом понна колхозник'эслэн ужамзылы ватсатырон сярысь“ постановленизы. Та постановление луонлык сётэ вань колхозник'эслы но колхозницаослы социалистической трудлэсь зэмс образец'эссэ возмат'яса ужаны но соослэсь мылкыдзэс паськытомытэ вылі урожайэс басыны понна но пудоослэсь продуктивностьэс трослы жутон понна нюр'ясыкыса ужаны.

Туэ арын тулыслэн кема кыстыськеменыз валче, та постановленилэн значениез эшшо но трослы будэ, яке колхозник'эс нюр'яськоно луо тулыс ю кизён кампаниез исключительно 7-8 нунал'эс кустын вылі агротехнической уровеньын быдэстыны. Колхоз'эслэн правлениосылы кизыны кутскемлэн нырысетей нуналаз ик ужез организовать кароно озыы, чтобы тулыс ю кизенын ужась котькуд колхозник ужан нормазэ быдэстыны но мултэсэн быдэстыны мед нюр'ясыкылоз. Паськыт вольмытэмын луыны кулэ социалистической соревнования но стахановской движение.

Нош колхозник'эслэн жутомскем мылкыдэнызы кивалтэно луо агитколлектив'эслэн кивалтис'эссы, колхоз'эссы агитатор'эс но бордгазет'эс.

Районыстымы куд-ог колхоз'эс тулыс луд уж'эсты быдэсян борды кутскизы ни. Еловской сельсоветысь, Быково колхоз кизем зег усыянзэ быдэстйз. Костромской сельсоветысь, „Новый строй“

колхоз районын нырысетйез выборочно одйг гектар вылэ сезыы кизиз ни. Сезыы киземын кизён машинаен но протравливать карем кидысэн. Туннэ, чуказе кутскозы выборочно кизыны районыстымы тросэз колхоз'эс.

Костромской сельсоветысь, „Рассвет“ колхозлэн правлениез (председателез Данилов) музэн тулыс ю кизен кампаниез ортчытыны дасяскон уж'эс нуон сярысь али вераськыны бер ни. Тырмыт ю кидыс умой шертыса дасяны дыр трос вал ни. Но, озыы ке но, Данилов эш кидыс дасяса оз вуы. Куд дасям ю кидыс но та колхозын пызен сурамын. Иыды но чабей кидыс'эсыз 20 процент котыр сезыиен сураськемын. Гурт кыедэз луд вылэ поттон план куашкатэмын. Нош минеральной кыед ворттон планэз быдэстон сярысь вераськонэз ик овёл, соматын но быдэстымтэ. Чик люкамтэ пень, фекалий но мукет сыче кыедан'эс. Кидыслы дасям етйн кидыс вылын марлы ке Данилов эш пыжем нянь возе.

Таже безобразности куд-ог мукет колхоз'эсысь но шедьтыны луысал но, тырмымон возматэ ни таиз но факт, что нимаз-нимаз колхоз'эслэн председательэссы туэ толбыт чик ответственность шодытэк ужаменызы, тулыс ю кизён кампанилы вань дасяскон ужез куашкатйзы. Тани Лековаевской сельсоветысь, „Крестьянка“ колхозлэн председателез Королев толбыт турынен вуз карыса улйз, нош али вал'эсты сюдыны сион уг тырмы шуыса супыльтэ.

Вань кулэтэм вераськон'эслы пум поныса по-настоящему кутсконо тулыс ю кизёнэз ортчытон борды. Нуналэз чик быдтытэк котькуд лымы шунам но кёсам участок'эсы кизыны кутскыса, вань уж'эсты по-большевитски рад'яно.

Районын нырысетйез

Районыстымы куд-ог колхоз'эс тулыс луд уж'эс борды кутскизы ни.

Еловской сельсоветысь, Быково колхоз кизем зеглэсь вань площадьзэ усыяса 7 мае ик быдэстйз.

Костромской сельсоветысь, „Новый строй“ колхоз районын нырысетйез одйг гектар вылэ выборочно сезыы кизиз. Сезыы кизён сеялкаен но протравливать карем кидысэн ортчытэмын. **Братчиков.**

Колхоз'эсысь ивор'эс

Еловской сельсоветысь, Кировлэн тиминыз нимам колхоз 11 мае 6,94 га гыриз но чуказеяз та площадь вылэ сезыы кизиз.

Гырыны кутскизы ни та сельсоветысь ик „Труд“ но „1 май“ колхоз'эс.

Лапин.

СССР-лэн Народной Комиссар'эссылэн Председателезлэн обязанностьысьтыз В. М. Молотов эшез мозмытон сярысь СССР-лэн Верховной Советэзлэн Президиумезлэн УКАЗЭЗ

В. М. Молотов эшлэсь Иностранной Уж'эс'я Народной Комиссарлэсь обязанностьэссэ нуэмэ валче СССР-лэн Народной Комиссар'эссылэн Председателезлэсь обязанностьэссэ нуыны секыт шуыса троспол заявлениоссэ лыдэ басытыса, удовлетворить кароно В. М. Молотов эшлэсь СССР-лэн Народной Комиссар'эсызлэн Председателезлэн обязанностьысьтыз сое мозмытон сярысь куремзэ.

СССР-лэн Верховной Советэзлэн Президиумезлэн Председателез М. КАЛИНИН.

СССР-лэн Верховной Советэзлэн Президиумезлэн Секретарез А. ГОРКИН.

Москва, Кремль. 6 мае 1941 арын.

СССР-лэн Народной Комиссар'эссылэн Председателезлы И. В. Сталин эшез назначить карон сярысь СССР-лэн Верховной Советэзлэн Президиумезлэн УКАЗЭЗ

Назначить кароно Иосиф Виссарионович Сталин эшез СССР-лэн Народной Комиссар'эссылэн Председателенызы. СССР-лэн Верховной Советэзлэн Президиумезлэн Председателез М. КАЛИНИН.

СССР-лэн Верховной Советэзлэн Президиумезлэн Секретарез А. ГОРКИН.

Москва, Кремль. 6 мае 1941 арын.

СССР-лэн Народной Комиссар'эссылэн Председателезлы заместителе В. М. Молотов эшез назначить карон сярысь СССР-лэн Верховной Советэзлэн Президиумезлэн УКАЗЭЗ

Назначить кароно Иностранной Уж'эс'я Народной Комиссарез Вячеслав Михайлович Молотов эшез СССР-лэн Народной Комиссар'эссылэн Председателезлы заместителе.

СССР-лэн Верховной Советэзлэн Президиумезлэн Председателез М. КАЛИНИН.

СССР-лэн Верховной Советэзлэн Президиумезлэн Секретарез А. ГОРКИН.

Москва, Кремль. 6 мае 1941 арын.

Советской Латвиысь трудовой крестьян'эс муз'емзэс об-работать карыны МТС-эн договор'эс заключать каро.



Сигулдской волостысь трудовой крестьянка К. Рудзите (кыктэтйез паллян палысен) МТС-эн договор подписать каре. Солэн бурпалаз—Сигулдской МТС-лэн директорез А. Берзиньш но старшой агроном Б. Лусис. Паллян палаз—агроном Л. Мелкерт.

АЗЫМНИСЬЕС РАДЫН

Баяран. (Телефон пыр басытэмын). Комарово колхоз тулыс ю кизен борды кутскиз. Нырысетй нуналаз 0,50 га сезыы киземын. Соломина.

Колхоз'ёсын 1941 арын пудо вордон помещениосты лэсьтылон ужрад'ёс сярись

УАССР-лэн СНК-езлэн но ВКП(б)-лэн обкомезлэн бюро-
езлэн постановленизы

УАССР-лэн Совнаркомез но ВКП(б)-лэн обкомезлэн бюро-ез лэд'яло, что колхоз'ёслэн общественной пудо вордонзы-лэсь продуктивностьсэ жутонын шодскымон люкетись луэ умой лэсьтэм типовой помещениослэн өвөлзы. Элементарной ветеринарно-зоотехнической кулэяс'кон'ёслы отвечать карисьтэм, урод тупатэм помещениосын пудоез возён пудо сюдон'ёсты уже рационально-нотэм кугонэз, пудосты уялтон'я мултэс ужомез, пудоослэсь висьыса трос быремзэс но пинал пудоослэсь бад'зым отходзэс кылдытэ.

УАССР-лэн Совнаркомез но ВКП(б)-лэн обкомезлэн бюро-ез пукто:

1. Пудо вордон понна типовойтэм выль постройкаосты лэсьтыны колхоз'ёсты лэзёно өвөл. Райсовет'ёслэсь исполком'ёссэс косоно котькуд колхозэз обеспечить карыны типовой проект'ёсын, интысь тужгес дунтэм лэсьтиськон материал'ёсты уже самой трос кутонэз лыдэ басьтыса.

Пудо вордон фермаос понна существовать карись помещениосты, кызы ке типовой проект'ёс'я лэсьтэм'ёссэ но лэсьтыса быдэстымтэоссэ, озыы ик приспособить карем'ёссэ, типовой помещениослэн уровенъы дорожь вугтоно.

2. Колхоз'ёслы өвөл лэзёно уже кутыны сычеоссэ пудо вордон помещениосты, куд'ёсызлэн проектлы тупаса лэсьтонзы быдэстэмьн өвөл но лэсьтиськонлэсь обект'ёссэ принимать но сдавать карылон понна райземотдел'ёсын организовать карем специальной комиссиослэн акт'ёссы'я

уже сётэмьн өвөл.

3. Райсовет'ёслэн исполком'ёссылэсь председательёссэс но ВКП(б)-лэн райком'ёсызлэсь секретар'ёссэс косоно:

а) основной лэсьтиськон уж'ёсты туэ 1 августлэсь бере кылытэк быдэстонэз лыдэ басьтыса, котькуд колхоз понна тупатыны лэсьтиськон материал'ёсты дасян но лэсьтиськон уж'ёсты оргчытон график'ёсты;

б) лэсьтиськон уж'ёсы постоянной строительной бригадусты юнматыны но уж'ёсты быдэсак быдэстыгозь соосты басьтонэз лэзёно өвөл;

в) тылпулы сётскисьтэм строительствоез уже котькуд кызы вёлдоно, со понна вакчи срок'ем курс'ёсын дасяно тылпулы сётскисьтэм лэсьтиськон'я мастер'ёсты;

г) жог лэсьтиськонлэсь метод'ёссэ массово вёлдон ужын колхоз'ёслы практически юрттэг сётыны.

Вуоно сйзыл но толалтэ колхоз'ёсын вань пудоосты толйытонэз типовой помещениосын обеспечить карон понна райсовет'ёслэн исполком'ёссылэн председательёссылэсь но ВКП(б)-лэн райком'ёсызлэн-секретар'ёсызлэсь бад'зым личной ответственностьсэ УАССР Совнаркомез но ВКП(б)-лэн обкомезлэн бюроез пус'ёно колхоз'ёсын пудо вордон постройкаосты лэсьтон плакэз тупатэм срок'ёсы быдэстыны косо.

УАССР-лэн Народной Комиссар'ёсызлэн Советсылэн председателэз А. ТРОНИН.
ВКП(б)-лэн Удмуртской Обкомезлэн секретарез А. ЧЕКИНОВ.

29 апреле 1941 арын.

Пудо гид'ёсты лэсьтыны али ик кутсконо

СССР-лэн Совнаркомезлэн но ВКП(б) ЦК-лэн. „Колхоз'ёсын общественной пудо вордонэз паськытагон мероприятиос сярись“ постановленизы потэм бере, районьсытымы колхоз'ёс пудо гид'ёс лэсьтыны кутсконо луэ вал. Озыы ке но тросэз колхоз'ёс та ужез пөртэмесь амал'ёсын өз быдэстэлэ.

Куд-ог колхоз'ёслэн правленийоссылэн председательёссы шуныт, югыт пудо гид'ёс лэсьтонлэсь палэнскеменызы гинэ, толалтэ кезыт'ёсын трос пудооссы кулйзы. „Динамо“ колхозын, кылсарысь, шуныт парсьгидзы өвөлэн, туэ толалтэ 20 парсьпиоссы кулйзы. Люмской сельсоветысь, „Звезда“ колхозын 8 курег'ёс кынмыса быризы. Кынмыса кулйзы Баяранской сельсоветысь „Ударник“ колхозлэн но парсьпиоссыз. Озыы бере но кычэ доказательствос но кулэ өвөл ни, пудоосты возыны шуныт, югыт гид'ёслэн кулэлыксы сярись.

Азымынись колхоз'ёсын ни-

мысьтыз строительной бригадаос ужало. Тани „Красный Октябрь“, „Новый труд“ но куд-ог мукет'ёсыз колхоз'ёс туэ толалтэ 980 кубометыр кор поттызы но пудо гид'ёс но мукет строениос лэсьтыны кутскизы.

Пудо гид'ёс лэсьтоньн бере кылысь колхоз'ёслы пример басьтыны кулэ „Новый труд“ колхозлэсь. Та колхоз туэ толалтэ 60 йыр вал'ёслы гид но 200 тонна ю тысь тэрымон склад лэсьгиз. Строительной бригадае нимысьтыз 9 колхозник'ёсты вис'ямын, куд'ёсыз мукет уж'ёсы ветлытэк строительной уж'ёсты, гинэ быдэс'яло. Котькуд колхозлэн председателэз ас азыпалаз задача пуктоно, чтобы вань общественной пудоосты обеспечить карыны шуныт, югыт помещениосын, а солы понна али ик мылысь-кыдысь кутсыса лесоматериал'ёс дас'тоно.

И. Ф. Суворов,
райзолэн строительной
техникез.

ЭШШО ОДИГ ПОЛ ПИСЬМОНОСЕЦ'ЭС СЯРИСЬ

Баяранской сельсоветысь, „Красный Октябрь“ колхозысь колхозник'ёс но колхозницаос туэ арын 114 экземпляр газет'ёс но журнал'ёс басьтыны гожтиськызы. Но куд-ог колхозник'ёслэн но колхозницаослэн соос киязы вуылытэк бырыны шедё.

Колхозник'ёслэн но колхозницаослэн выписать карем газет'ёссэс но журнал'ёссэс басьтылымтэзылэн мугез отын, что колхозной письмоносец Баяранысь почтовой отделениысь вань почтаез колхозэ нуэ но, колхозлэн п р а в л е н и - я з к у ш т ы с а кельтэ. Нош колхозник'ёслэн кварги-

раосазы соосты нуыны тодаз ик уг лыкты письмоносецлэн.

Сельписьмоносец'ёслэсь та'че безответственно ужамзэс почтовой отделенилэн начальникез И. И. Ельцов уг ад'зылы. Со колхоз'ёсы потыса письмоносец'ёслэсь ужзэс эскертыны мултэсэн лыд'я. Ельцов почтаез колхоз'ёслы люкылонэн вань ужзэ быдтэ. Нош кылемзэ ужан нуналэз сельсоветын ньыр'ясыкыса ортчытэ. Иван Ильич, сямен, прогүл гинэ медаз луы, нош колхоз'ёсысь письмоносец'ёслэсь ужзэс эскерон почталэн райконтораезлэн начальникезлэн ужез.

Н. Васильев.

Антирелигиозной беседа

Христос сярись миф

Христианской черклэн учениез'я христианстволэн кылдытисез Иисус Христос вал. Зэмзэ нош Христос неноку но ой вал. Со тодмо отысь, что ненокычэ но солэн дуылэмезлы оскытись кёня ке пытыос, солэн улэмез сярись ненокычэ свидетельствос өвөл.

Нырысь христиан'ёс „инмысь царьлы“ кадь оскизы Христослы. Асьме дорожь вуэм древнейшой христианской памятникин— „Иоанлэн откровения“ (яке „Апокалипсис“), кудйз гожтэмьн еврейской авторен о д и г к ы л но өвөл Иисус сярись муз'ем выльы ульис адымиез кадь верамын. Иисус „Апокалипсис'я“ со—инмар, древний египтян'ёслэн шунды инмарзы яке древний грек'ёслэн громовержец инмарзылы укшась. Только озыы нимаськись „Павеллэн посланиосаз“, куд'ёсыз нырысь веклэн пумаз гожтэмьн, Христос, будыто бы, вордске муз'ем вылын, вае ассэ калык'ёслэн сьолыксы понна жертвае, кирос вылын казней чидан но куньметй

нуналаз воскреснуть каре. Но та „посланиос“ уг взымато Христослэн вордскемезлэсь дырзэ но, вордскемезлэсь но кулэмезлэсь интызэ но.

Кыктэтй веке евангелиосын нимаськись (т. е. „доброй вест'ёсын“ яке „благовестисосын“) греческой литературной произведенийосын сётиське „Иисуслэн улонэз“. Та евангелиос тырмытэмьн фантастической чудесаос сярись выжыкыл'ёсын но паймыто исторической несообразностьёсынызы.

Нырысь веклэн нехристианской литературааз писательёслэн еврейёслэн, грек'ёслэн, римлян'ёслэн — Христос сярись буре ваён'ёсыз өвөл.

Озыы тыни нырысетй веклэн калык'ёсыз Христослэн адыми кадь улэмез сярись неномыр но өз тодэ. Христос кыл со—греческой, но означать каре „мессия—позаманник“. „Мессия“, т. е. мозмытись сярись учение, кудйз лыктоз муз'ем вылэ но пуктоз справедливой порядок'ёс. Та „мессиялы“ христиан'ёс нырысен Иисус ним

сётисы, ма луэ „инмар мозмытоз“. Озыы кылдыз „мозмытись“ Иисус Христос.

Христианствоез кылдытисен Христос ой вал. Христианство кылдыз Римской империйн, кудйз поработить кариз Европайысь, Азияысь но Африкаысь данак странаосты. Та империлэн жыныез населениез раб'ёс вал. Империлэн пөртэм интыосаз раб'ёслэн но эркин'ёслэн огазеяс'кон'ёссы кылдыны кутскиз, куд'ёсыз рабовладельческой порядок'ёслэн куашканзы сярись малпаса, миф кылдытисы, т. е. выль инмар сярись—вань „курадзисьёсты но обремененнойёсты“ мозмытись—Иисус Христос сярись выжыкыл.

Кыктэтй веклэн пумаз рабовладелец'ёс христианской общинаосы пыризы, соосын кивалтонэз киултызы но ялызы, что христослэн царствоез „тамирлэсь өвөл“, что чидам понна вознаграждениос не таяз, а сояз дуннеын.“ Миф—Христос сярись выжыкыл использоваться кариськыны кутскиз эксплуататор'ёсын асьсэлэн цельёсазы трудящийся пöян но зйбон орудие кадь. Век'ёс ортчизы. „Дасо но

сю пол тургтскизы трудящийся өс век'ёслэн кыстиськоназы куштыны пельпум вылысьтызы угнетательёсты но султыны асьсэлэн положенизылы господаен. Но котьку соос разбить карем но опозореннойёс, сюлмазы жож луонэз но ултыянэз, йыркур'ясконэз но отчаяниез ватыса но неведомой инме учкыса, кытысь соос избавление шедьтыны малпало вал, чигнано луылызы.

...Только асьме странаын кылдыз угнетенной но зйбем трудящей массаослы куштыны пельпум вылысьтызы помещик'ёслэсь но капиталист'ёслэсь господствозэс но со интые пуктыны рабочийёслэсь но крестьян'ёслэсь господствозэс“ (И. Сталин).

Великой Октябрьской социалистической революция доказат кариз, что трудящийся асьсэос быгатозы муз'ем вылын вань общественной порядок лэсьтыны, асьсэос быгатозы распоряжаться кариськыны. вань узырлык'ёсын, куд'ёссэ соос кылдыто, лэсьтыны асьсэлэсь эркин, шудо улонэс.

Проф. В. Никольский.

Отв редактор П. МАЛЫХ